



夢樓詩集卷十七

楚遊草

庚子歲自杭州歸里多寄跡僧寺中未嘗遠遊三弟  
文明以微官羈楚中未能卽歸余年將週甲矣昆弟  
不相見者十餘載恐歲月因循不獲展友于之愛至  
是溯長江省之此行千餘里居楚半載所遇故人不  
少大畧多見於詩中得古今體詩四十七首

將之江夏途出懷寧訪姚姬傳民部快歌三日姬  
傳有詩因次其韻

開帆便擬此維舟相見眞成兩白頭自爲年衰增眷戀却  
因風逆得遲留談空共證禪中地攬勝還登水上樓日暮

夢樓詩集

卷十七

驪歌分手去明朝相憶隔江州

重泊琵琶亭

煙波隨意宿江關白傳當年淚久刪贏得潯陽風水逆停  
舟三日看廬山

江州懷白樂天先生

有序

樂天賦琵琶行事昔人或謂當爲秀鐵面所訶似  
不盡然樂天貶官經年殊未介意此因地之超也  
及聞商婦琵琶始知遷謫之感此根本無明於茲  
引動也淚濕青衫公然發露豈世諦中覆藏種性  
所可同日語哉直心是菩薩道場有愛爲如來種  
子大抵蘇白兩公於本分雖未必究竟了徹而文

字般若已通正恐隨波逐浪宗徒未易解此至於  
呼伎開筵乃唐人風氣樂天旣非戒僧何必以此  
責之抑樂天方遭貶斥此詩出竟無有媒孽其短  
者則唐時風氣猶然近古也頃過琵琶亭慨然有  
懷先生之爲人乃賦詩一章

送客潯陽月墮遲清秋一首白家詩荻花楓葉今千古紅  
袖青衫彼一時往事儘教隨水去傷心偏愛倩人知不因  
謫宦來滄浦如此江山缺好辭

黃梅望五祖山

黃梅傳道處千古一江清米熟尋篩過船開把柁行山舍  
禪意淨雲抵世緣輕安得西廊下春梁畢此生

夢樓詩集

卷十七

二

道士洑

少小閱圖經久聞道士洑昔年具歸舟匆匆未寓目頃作  
武昌遊攜家溯寒綠出門陰雨多頗覺船居局皖江與潯  
江守風踰信宿訪舊兼看山隨緣豈欲速搗來漸炎蒸三  
朝武穴曲東風不與便未免額頻蹙薄暮忽開帆竟夜清  
颺謾曉起推篷牕青翠映冠服東注千渦盤西塞一峯矗  
亂流或安罨懸崖牢置屋此山有廻風過者慮顛覆舟人  
戒檣艣余亦容爲肅那知恐懼中好景更連屬淸暉變利  
那靈臺難記錄却憶昔經過投閒返松菊如何遺此境汶  
汶越林麓異味吐弗嘗異書度弗讀因知思故鄉亦似耽  
榮祿但教意有營便使心成欲餘年萬事灰尙有尋山福

所遇情斯欣吾生貴知足

萬仞青山掛薜蘿一行白鷺剪煙波劉郎當日題詩處依舊蕭蕭蘆荻多

吹笛扁舟楚水長

天無際夜茫茫多情一片江南月直送行人到武昌

舍弟季明以微官滯楚中者十餘年今始省之二

八年風雨閉柴門千里拏舟訪在原謝草池塘縈舊夢庾

樓明月復新痕時陳望之開藩於此白鷗沒海機心化黃鶴臨江仙

夢樓詩集

卷十七

三

意存且倚閒雲吹玉笛人間得失謾須論

稚子歡迎僕候扉遠來風景似初歸徘徊城邑渾相識

違刀鐔勸汝須料理北固山前好夕暉

陳望之方伯夢禪圖

菩薩現宰官名儒耽禪悅此事有夙因難以文字說人生

若大夢順逆隨所設榮華但俄頃憂患亦僞譬以此捨塵

勞坐禪斷生滅那知禪亦夢空華不可攬離妄孰為真離

穢孰為潔在夢而行禪仁者莫分別繫公本天人問學踵

先哲少年登文壇詞鋒紫電掣中年展經綸許身稷與契

風驚海不波月蝕光無缺涼温備歷身甘苦潛入舌前塵

看已明結習悟方徹亦不辭崇高亦不染猥褻騎驢謾覓  
驢出楔仍以楔諦觀夢禪圖請公牢記薊無夢亦無禪一  
語秋流截

望之蒼茫獨立圖

世界不可盡古今不可窮風馳雲卷頃刻去我乃偶然寄  
興於其中紛紅駭綠盡在吾目洪宮纖微盡在吾耳須彌  
大海與微塵森羅盡在吾之身春何爲而嬌姘秋何爲而  
零謝少何爲而昂藏老何爲而遷化公非詠杜老詩亦非  
賦屈子辭本來不與萬法爲對待自覺之智誰能知蒼狗  
浮雲儻故忽新碧浪長鯨儻險忽平子然一絲不掛體超  
出日月揚光明吾觀此圖笑而復呼非公壁立萬仞之巨  
夢樓詩集

卷一七

四

力安得一條拄杖自倒自起而不倩人扶

潘瑤圃杏林春燕圖

雕梁無復舊巢泥老去看花倦馬蹄羨殺烏衣新羽翰上  
林紅雨待雙棲

爲女孫玳梁題水仙畫幅

微雲冉冉疑無色淡月濛濛似有香更擬花前研曉露臨  
風爲仿十三行

陳望之親家齋中盆蘭得同心並蒂二種命女孫

玳梁爲之寫照綴以詩

蘭姿如佳人蘭德乃君子蓄德媿於蘭異瑞斯鍾此單杼  
發復萼一心貫雙藥宛如兩高賢握手談名理又如兩傾

城綺閣借臥起道侔志自合恩重肩恒比此方膺宋徒懸  
賦擅姝嫩將母英與皇憐恍露仙軌芳意空盈盈無由溯  
江水女孫學畫蘭侵晨拭棐几命彼具丹黃圖之聊志喜

又絕句二首

自有微芳託素襟謾勞梔子結同心當年蘇小西陵可

抵湘波一寸深

右同心

頻伽夙世演靈文幻作幽蘭倍覺芬似懣多生恩愛習雙

雙低首向慈雲

右並蒂

題畫竹爲徐冠羣

夢樓詩集

卷十七

五

濃綠生衣袂吟身萬竹中清音疑雜雨涼吹豈因風忽覺  
白雲合不知溪路通依稀聞鶴警只在石橋東

雙首雲對

昨夜廻鸞下赤文上仙微意在畱雲雲歸有主難持贈莫  
把慳心議隱君

陳研齋廉使以素冊索書余爲書數年來與雷雷

峯祝芷塘暨門人曹秋漁諸子唱和之作歸之葢

研齋與諸君皆西湖文讌中人也頃研齋用余題

五水文 芷塘接葉亭圖五首韻見贈次韻奉答兼寄諸君

素卷難遮眼青霜久上顛偶攜京口酒來泛楚江天忽訝

交如舊兼逢眷是仙

雷峯次女妻兒試生而公與雷峯  
有朱陳之誼諺所云四門親家也武

昌千載月仍挂庾樓前

博俸吳季子才壓蜀相如宦跡半天下朋簪敦古初筆花  
江令退禮法步兵疎知己天涯在幽懷暫得於

當日西湖上文壇戰陣雄天花雨珠貝海蜃鬪青紅離合  
無窮事升沉卅載中江皋弭節處六一已稱翁

漢廣敷佳政家家勒口碑題詩特餘事流韻滿江滑棨戟  
秋霜肅門牆春柳隨相看真可羨全未白吟髭

東越兼西蜀通門與世如雲山紛錯午出處各艱辛尙覺  
歡如昨誰言迹已陳因公閒話舊翹首望關津

爲漢陽葉雲素題借書舫圖二首

水竹蕭蕭一畝居非舟非屋是吾廬  
嫋嫋祕笈探都遍却

夢樓詩集

卷七

六

向人間借異書

中年以往得朋難漢上題襟雨未殘  
半日與君論古昔絕勝鄴架借書看

酬張慕青學使

流落江湖不計春雲中忽遇藍珠人  
莫辭更飲江南酒多少秋懷欲共論

可韻上人彈琴

余素好音樂所見琴師多矣上人疾徐清濁動中  
古音賞會徘徊使人意遠故每喜聽之

韻師抱綠綺爲我奏漁歌漢上秋風至楚江烟雨多指邊  
滴清露弦外有滄波便欲刺船去言尋張志和

會稽爲紀緒承題天女散花圖

林間宴坐淡忘言風動袈裟一角翻欲舉維摩舊公案天

花開落已千番

見性明心總浪傳文章烟月也關禪藏身人海原同俗行

腳天涯漫擬仙試問云何猶未在底須法爾說如然瀾翻

無盡千公案誰解飢餐與困眠

休誇教外有真傳一句彌陀卽是禪藥草子慙小莖者蓬

山君本大羅仙水分流處終歸海火到頭時急救然常稟

瞿曇遺囑語睡蛇未出莫安眠

祝芷塘見寄四庫館校書新作次韻奉懷二首

夢樓詩集

卷七

七

經卷蒲團尋活計綠簑青笠認行藏消磨歲月甘聊略領

取山川却審詳漢上易彫惟柳色楚天難得是秋光夜來

黃鶴樓頭望心共江流萬里長

故人直閣有高吟寄我依然廿載心世態每於間處見交

情方信老來深連宵勝事惟孤賞何日醇醪與共斟風格

勸君聊自貶千尋柏樹莫森森

吳州陽湖楊西河進士以詩見贈賦謝二章兼以雷別

毘陵多老宿師友卅年中籍甚楊夫子相逢鄂渚東論交

情最切談藝氣九雄少日長安道清樽惜未同

新詩吟向我字字錦爲心謏學無能役相知有獨深江城

會弄笛漢水舊橫琴明日飛鴻去誰聽空外音

伯牙琴臺

伯牙千載後猶自有琴臺秋水澹無際暮山相向來曰余有古曲欲奏復徘徊但恐無鍾子素襟誰與開

仙棗亭

仙棗枯來似古楂廢闌荒砌臥煙霞只今黃鶴樓頭月會照當年一樹花

九日

一峯黃鶴映江青酒冽風乾菊正馨今歲茱萸人遍插客中翻勝在家庭

遊武昌西山

朝發漢陽城暮抵三江口預計遊西山篷牕時探首晨暉

夢樓詩集

卷七

八

照我衣陟岸赴林藪初沿寒溪流宛轉似垂綬及登九曲亭豁達啓重牖徐從蘿逕穿遂向僧扉叩三泉何渟泓愛之坐來久凜疑毒龍蟄深恐潛蛟湫此間遊跡罕階下青苔厚其上羅松篁日午色常黝傳聞吳大帝避暑此山阜宮殿收精藍劍池沒荒莠浮雲千變迅託足一時偶所欣名勝區暫得爲吾有三復子由文寄焉聊不朽

舟泊樊口

江山映發見清空樊口烟霞此日逢赤壁深秋臨水月寒溪半夜出林鐘舟因不繫隨來往雲爲能閒任淡濃曾是坡公吟賞地寒裳異代許相從

甘興霸墓

日午避風泊富池舉頭忽見西陵祠巍然廟貌擬王者異  
代想見遺民思問訊居人二里許展拜將軍一坏土陰飈  
颯颯萬木迴彷彿臨江建旗鼓三國人材千古雄得一亦  
堪成大功却憐瑜亮生並世白蠶抵鵲徒忽忽孫郎帳下  
羅羣杰莫道菰蘆少人物將軍自蜀來仕吳更使江東氣  
英發關侯廟食偏人間長刀駭馬星斗寒烈士從來輕一  
死各報其主無慚顏斗筭黃祖輕微甚首領不堪爲器飲  
總爲人心重禰衡倍感將軍威凜凜解維風定布帆輕神  
鴉紛紛送客行空江落日頻回首猶憶飛騰戰伐名

九江夜雨

漢水西來秋靄陰楚天南下暮林深孤舟一夜潯陽雨二

夢樓詩集

卷十七

九

十年前旅客心

雨中過彭澤

好山偏向雨中過侵曉推篷出碧蘿彭澤人家在雲霧小  
姑宮殿鎮烟波峯當絕處疑鑿削景到佳時辨剎那元亮  
若非嫌束帶此間少住意如何  
登小孤山人間見此思  
廿載經過處今朝始到巔窄無容足地高有礙眉天萬竹  
捎雲動孤峯壓浪偏餘年縱登陟亦自具清緣

舟中喜晴

挂席逢秋雨停橈誤水程入冬經幾宿候曉得新晴樹借  
雲光澗江涵日氣明清暉有如此能不淡浮名

蘆花

四序平分似水流  
騷人偏自說悲秋  
請看江上蘆花影  
不爲秋悲也白頭

舟中望江南山

日落風微不起瀾  
半規已浸暮江寒  
江南山色多平遠  
聞向篷牕把卷看

舟夜

露重月將殘  
江寬不知處  
唯見數漁燈  
蒼蒼在煙霧

夢樓詩集

卷七

夢樓詩集卷十八

丹徒王文治禹卿

小止觀齋集

天台大小止觀宗教雙詮余從事其中有年矣至是復構屋於快雨堂之西北隅閑止觀之教參止觀之

宗故以小止觀名齋古今體詩七十二首

友人唐秋谷爲通惠河司闡官作聽水移情圖見

志祝芷塘侍御爲之作序并詩惜其畫不工頃秋

谷歸里蓮巢乃爲易圖而裝池之余綴詩六首於

後卽次芷塘元韻

故人薄宦鳳城東投老歸來兩袖風怪底心情如水淡行

藏早寄畫圖中

夢樓詩集

卷六

濤聲日夜響淙淙十笏衙齋四扇聽聽到無聲君會否萬

條白練一時降

太史水衡入骨寒霜稜新改惠文冠謂芷塘詩成險韻還加

序多少清光冷處看

萬里浮查憶少年長風仿佛遇成連移情公案今重舉畫

裏逢春一惘然

此地曾經載酒過都門賢士聚時多歸家廿載滄江臥方

信人間有逝波

畫師好手最難逢邠老煙雲日盪胸詩卷長畱兼畫卷不

須臾水問前蹤

焦山自然菴看梅

老梅纔兩樹屈榦欲千尋月魄共江滿雪花如海深洞門  
高士跡山院古禪心惜未攜綠綺一揮太始音

爲蔡昌禧進士題江樓喚鶴圖

長江瀉胸平似案大別青山界銀漢世間今有謫仙人鶴  
去千年應可喚樓上闌雲接太清共君五見蟾光盈記君  
痛飲送余別一笛梅花吹滿城

唐秋谷杖藜尋菊圖

舊家三徑未全荒彭澤歸來兩鬢霜閒向東籬扶杖立鬚  
眉都染暮山光

江南意爲延嘯崖作

秋江采芙蓉春江折楊柳楊柳弱於人青青今在手西園

夢樓詩集

卷六

二

貴公子遊冶江南春珠簾垂薄霧依約見花神金釵掛君  
冠翠袖捧君卮白璧表貞意紅羅寫誓詞知君綺歲才如  
海揜毫落紙千珠琲相賞一逢眞美人凌雲賦筆增光彩  
文杏裁爲梁湘筠覆作廊碧桃本是仙家種移入朱欄倍  
覺芳桂榴蘭橈青雀舫相攜還到雲霄上浣紗侶伴不同  
歸回首江南一惆悵

夢遊清涼山歌

延嘯崖公子吳醉竹茂才同夢遊清涼山而不相

知翌日述夢遂同遊以實其事且繪圖紀之余爲

作歌

遙天一朶青芙蓉隨風忽然落夢中萬壑松濤雲冉冉諸

天花雨煙濛濛類然而寐遽然醒口弗能言心有傾依稀  
記得夢中詩采采黃精翠微頂古來交道蓋有神志同夢  
亦如一身臨風各語夢時事友朋山水皆前因詰朝便命  
山中駕攀蘿捫葛香臺下來時宿鳥竟無驚去後燧紅猶  
未謝紛紛夢覺辨眞偽蝴蝶莊周無定位畫史重將夢境  
摹夢中談夢聊爲戲建業南徐一水長偷閒我欲禮清涼  
莫辭更踐夢中境乘興相邀到上方

見道書中一詩語甚警策而苦失韻因爲改易  
畫中萬數字誌于集中非敢掠前人之美也

鶴警空山夜有聲蟾光侵曉倍分明饒渠眞有成仙術也

要將心洗箇清

夢樓詩集

卷六

三

謝蓮巢惠芭蕉蓮巢屢以芭蕉見惠又嘗乞其畫  
蕉故詩中及之

畫中蕉葉綠如眞窗外新蕉綠過人惠我新蕉兼對畫綠  
陰如海著吾身

莫謂更新秋

南炎初盡日猶長沉李浮瓜水齒涼珍重碧梧枝上看今  
朝簾外是秋光

芭蕉

移蕉幾日費經營窗外今看綠幄成更護殘荷三五葉聽  
他秋雨夜來聲

小閣懷人處唯聞蟬亂嘶江潭無數柳搖落夕陽西

白秋海棠

數點瑤英月下看半依碧砌半朱闌只愁花上秋霜色吹入玉人羅袖寒

連日秋暑太甚雨後乍涼喜而有作

西風吹雨卷長廊蕉拂闌干竹拂牆頃刻炎蒸都散盡只餘心地舊時涼

望夫石和友人

兩雨風風秋復春可憐望遠暗傷神天涯鎮日無消息石骨年來瘦似人

晴村擁書圖

夢樓詩集

卷六

四

一別容輝二十春忽從畫裏託音塵傳神不在毫添頰黃卷堆中稱此人

柏樹牡丹合景

孔明廟裏冰霜色魏國堂前富貴春妙手合來成一處請於筆外賞風神

題唐耀卿所畫牡丹繡球合景小幅

紅萼昵人堆暖玉瑤枝刻意鏤寒冰知君生怕春歸去特與東風鬪技能

題蜀葵

芍藥已殘時芙蓉猶未放惟有蜀葵花紅光照書幌

題潘蓮巢爲汪銘常親家寫梅花邨圖四首

種梅那易便成邨無數煙痕共水痕誰信三更明月夜有人花下掩柴門

冬日僧房談道要春來重與賦梅花  
芭鞋踏破千山雪忽到林逋處  
士家與山翁七韻能似未能其中有確意

一瓢一笠一吟身猶恐枝頭漏洩春瘦到一絲無挂處者

回方顯玉精神未肯舍忠意上衣襟不似尋常我高僧言

數間茅屋隔溪雲多謝蓮巢乞與君盡展縱橫千樹影晚

來隨意染斜暉即當辭好遊身由心隨意

鍾其入顧定之墨竹賦詩揚奇吾當為之請謝來墨

畫竹渾疑竹出牆嫩梢初放粉痕香雲樓十里溪橋路箇

箇能含曉露光

夢樓詩集

卷十人

雪

五

久晴雨亦佳未霽雪復作寒光透虛庭素質界林薄帷開  
輕片入鳥蹴堆英落漁樵皆有營吾意欲安託晚來登層  
樓孤煙出山郭明當攜襪被長往臥巖壑

題潘蓮巢畫為焦山長老巨超賦詩蘇干樹遠

枯木堂前寫枯木中含生意十分春不知長老升高座言

下如何舉似人良齋題其題詩

再題蓮巢山水小軸

林陰黝黑石離奇浩蕩江波接海涯可是夜來明月下綠

蘿洞口泊舟時

焦山寓樓卽事戲贈吳水張晴詠三更明月水

夜來春雨響高樓綠酒紅燈樂未休曉起江光透簾幙玉  
梅花下看梳頭

爲高旻如長老題唐耀卿所畫牡丹天  
學寫牡丹花枝頭含綺麗似能似未能其中有禪意

爲高青士題蓮巢寫生二種

習習春風被物時夜來微雨土花滋靈芝生在空山裏不  
是採芝人不知

右芝草

長夏陰陰萬綠排杖藜轉過別峯來方塘水靜無風動一  
采白蓮隨意開

右蓮花

夢樓詩集

卷十八

六

清明日嶽香院辛夷花發

春雨兼旬月都忘節候移使晴占甲子

清明前二日爲春甲子是日始晴農

家以爲稔歲之兆

乘暖放辛夷雲飯抄香後風箏歇籟時花光與

江色樓外共迷離

題蓮巢所寫櫻桃花時蓮巢久客未歸故戲之

春水江頭沒釣磯花時終日掩荆扉蘆簾怕有人惆悵五

見櫻桃尙未歸士

蓼花

忽聞賓雁唳長空始覺浮生

花一片夕陽中

一片荒園菜仍畱諸葛名祁山征戰地無限夕陽情

黃月波挽詞二首

攬秀江頭開高吟四十年世緣波共速心事月孤懸老去  
耽書卷悲來寄管弦故人從此少怕過酒壚邊  
頗憶追歡處誰家俠少場青春寧易買白首尚難忘翠袖  
勸朝飲禪燈眠夜堂詩懷兼別恨回首兩蒼茫

人項溶集趙榮祿書效千字文體爲之

舊勳當代重世德至今傳金石文千字湖山澤百年元孫  
稱善述鴻筆乞時賢清節兼嘉政聞風幸勉旃

酬趙味辛見贈

夢樓詩集

卷七

七

廿年投老臥江濤往事如波誰與論不忘故交真好我每  
吟新句必驚人燈前紅袖能迴雪檻外黃花欲借春纔共  
一樽旋別去西風秋柳暮傷神

題畫虎

深林未出氣先雄百獸逡巡在下風却是醉人渾不見溪  
邊睡到日通紅

戊申七夕

傳言天上有良會白髮道人渾不知今夜三更河漢影居  
然風露異常時

七夕後一日

乞巧穿針宴未闌星河依舊露光寒肯將人世無窮事盡

作天邊此夕看

爲徐原一別駕題從軍圖

有序

原一別駕刺建水州時余適守臨安原一以公罪當失官余重其才請於大吏弗可大吏去會有平緬之役余薦之從軍三年中艱苦備嘗於事實有所濟余雖弗敢以知人自信然差幸無負於朝廷也因嘆爲大吏者以刻覈爲嚴正失人才不少矣余家居廿年日益衰老近尤弗喜爲詩以原一請不獲已而應之余詩直書其事無所粉飾觀余詩者可以知原一矣

別駕寄我從軍圖  
中箐林煙漠糊知是昔年征緬甸  
重夢樓詩集

卷六

八

兵萬騎屯榛蕪維時別駕司轉輸窮邊溘蕩人烟無僕盡梁瘴馬盡瘡數間茅屋堆軍儲軍儲給散有晷刻遲疾不得憊斯須維君措注何裕如成竹在胸矧宇舒三年盤飮缺青蔬况復酒醞沾行厨對客翻覺神敷腴不知何故能枝梧見者或謂神明扶忽傳賊談逼關隅糧無守兵戰士逋君恐以糧反資敵放膽一炬千人呼事過捐金立償補秋毫不以移官帑又聞官軍采入阻音耗無處占虛孤君令謀者閒道往神速似竊臥內符朝旨親褒大吏歎佞德惜未邀佳除我皇威德四裔敷封狼格心由廟謨昔君之出頭尙烏歸來雪霜盈鬢鬚所怙已失涕泗俱誓墓不復出鄉閭君誼於我爲故吏廿載弗見心脚斷披圖

恍如接警歎憐君 王事真勤劬我今與君皆解紱如魚  
縱壑鳥出筴回思疇曩一彈指可惜白日堂堂徂餘生何  
以報 聖世鼓腹歌咏借田夫

立春後一日淩江閣探梅歸憩雲根山館二首

天光如破卯江色蔚層藍小有樓臺處微聞花氣含疎蘄  
當竹外暖意在枝南好趁斜暉在臨風試一探  
山館欣重構雲根駐白雲倦來容小憩閑處值同羣新月  
穿林皎寒香入酒醺江頭清絕地到此欲平分

送茅五翊衢北上次張寶巖韻

哲兄昔騰踏我會預識之才名秋梅後行色春風時夢筆  
含花氣吟鞭拂柳絲都門舊遊在爲我道相思

夢樓詩集

卷八

九

高曼寺方丈題孔雩谷墨梅

性境花開似月明漫將冰雪比孤清春來萬片香如海獨  
向溪山深處行

次韻答張荷塘明府過余快雨堂顧曲畱贈之作

二首

蔬筍畱賓異肆筵雛鶯學語豈嬋娟老來萬事隨緣過只  
是家常不是禪

宰官難得是詩人信筆揮來絕點塵昨遣雙鬟齊勸酒綺  
羅隊裏看吟身

袁紆亭射虎圖

長安攜手別鬚鬢各霜侵夙負雕龍技難忘射虎心秋風

振衣立春雨杜門吟此日披圖看壯懷猶自深

贈李達明

十年磨劍見霜鋒千古交遊氣概中近日俠懷都懺却自  
攜瓢笠背西風

高旻寺安心丈室坐雨同如長老賢慧超德淵兩

上人

江外濃雲合檐前小雨過忽看青玉長倍覺綠陰多詩思  
花爭發禪心海不波殘紅供經案微笑問云何

孔雱谷明府揚州寓齋觀楊補之畫梅巨幅

畫梅溯到楊補之宛似書家說羲獻衝寒不登闕里堂那  
得人間等閒見江城雪後華筵張虛檐彷彿聞古香呼童

夢樓詩集

卷十六

十

出畫懸素壁中天皓月凝冷光左盤右拏如屈鏡生蛇出  
壑蛟藏穴細枝欲撩碧漢雲密萼還堆太古雪古今畫梅  
數百家畫者鑒者何紛拏或插繁葩向晴昊或畱疎影橫  
淺沙此幅裒然爲舉首此後諸家皆下走主人喜我品跋  
眞笑向風前傾大斗主人畫格殊超超昨於蕭寺親濡毫  
佛成道日同請高旻  
寺爲如公寫墨梅性海光明敷萬朶我亦題詩綴其左  
平山香雪行當開主人更約尋春來如此古柯無一本何  
郎空向江南裁

陳怡亭以黃精見貽賦謝

太古無人地相傳黃獨生繫君何處採惠我見深情大藥  
龍常守閒心虎不驚長饒雲霧裏應有上眞迎

賀成都蔡呂橋納姬揚州

相如遊倦尙攜琴翠袖天涯得賞音樹借三珠巢比翼絲  
牽五彩結同心再看吳苑花無色合是揚州月有陰笑煞  
當年杜書記春風虛惹髻絲侵

題冒巢民姬人董宛鴛鴦小軸

誰轉溫柔里都爲翰墨場幽人賦鴻鵠少婦寫鴛鴦南國  
風華在東林姓字香無因尋水繪池館日蒼涼

舸齋圖歌爲張翊和作

人生不能餐霞乘霧逍遙五雲之仙樓卽當浮家泛宅嘯  
傲五湖之扁舟扁舟恣意隨所往異書萬卷裝兩頭春風  
吞江水初漲春柳千行共搖蕩江流聲作玻璃敲柳絲色  
夢樓詩集

卷十八

十一

是黃金釀借問適從何處來白雲一片相徘徊此時若有  
所思而無所思恐是臨風覓句欲得仍疑猜我昔浮槎海  
東國欲向九州之外竊奇特神靈忽作兒童嬉性命幾被  
蛟龍得歸來俯視寰中江漢流凡上一杯徒混混君合是  
米元章書畫之舫閒徜徉又疑是歐陽子順風恬波日千  
里不然還是君家張志和頭戴青笠身綠簑斜風細雨撐  
得小舟出吞雲吸露揚清歌君本山抹微雲之女婿閨中  
對擘紅牋賦翊和爲鮑步江女婿妻亦工詩古來才子必神仙胡不赤簫  
碧落偕遊戲今秋秋水浩蕩連蒼穹江岸恐與銀河通便  
須摘星天孫之織室弄月姮娥之桂宮此舸輕小難遠涉  
爲君借取古槎河上翁

次韻答鐵冷亭詹事見贈兼柬令弟閻峯二首

風煙作守八千里江海投閒二十年  
蒿徑自收殘蘋粟玉堂都忘舊班  
聯秋宵忽墮雲中雁春水遙懷天上船  
何意野人茅舍夢閒來也到蕊宮邊

郊祁早歲借登第曾冉諸昆並擅詩話  
雨定知勞遠憶賦雲深惜未同時  
白波鷗鳥心俱遠碧海鯨魚氣獨奇  
安得西江共樽酒使將千古一論之

焦山自然菴看梅信宿山中有作

江波浮淺綠輕風拂其面江柳染微黃  
迥視翻不見循江詣焦山喚渡一帆便  
中流出樓閣香雪堆庭院舟中隔墻看  
銀海迷欲眩餘柯壓牆外掠波影猶顛  
登山造花前對夢樓詩集

卷十八

十一

花意忘倦古根學蛟蟠勁幹恣龍戰  
瘦骨屈求伸繁英綴逾倩稜稜冰十丈  
朗朗玉一片或翔如白鳳或蹴如紫燕  
或空濛若雲或閃鑠如電複杳恐互陵  
糾結乃交援左枕江流清右挾林巒  
絢到來香霧合坐久冷風善縱橫只兩  
樹姿制有千變因欲窮花態遂爾作燈  
醺海色與花光一氣渾莫辨此間成信  
宿傳播令人羨靜夜一聲鐘遙送空王  
殿情忘幽意愜慮淡塵緣賤餘年無他  
福聊此脫羈纏

孝感胡貞女詩

金壇令胡璜溪之女國學生蕭箕之聘妻也

時俗重華閭里巷驚朱幡試問將相第何如  
節孝門其夫爲孝子其妻爲貞媛懿行在一家  
况值童稚年求之於往

古史冊亦罕傳孝感胡氏族生女女誠嫻翁方膺計偕爲  
女締良緣蕭氏有佳兒從父遊長安石渠廣籟俊分得藜  
光寒飄飄天上雲蒼白時變遷紛紛世間事那得常完堅  
阿翁以客死阿兒扶輓還中途疾忽作父子俱黃泉胡氏  
女聞知痛哭卸簪環共姜死自誓程嬰生更難以躬代子  
職庶幾心所安聞說過門時渡江值風湍鄰舟屢傾覆此  
舟獨安瀾因知至性人神明亦霽顏阿翁本名儒剖符來  
金壇惠政周四野洋溢逮江干治譜旣甘棠闡行復芳蘭  
作詩聊紀實存以俟輪軒

送趙薌湖補官成都

我昔弱冠之時弄柔翰君作兒嬉雙角卯前年訪舊至武

夢樓詩集

卷六

三

昌君自蜀中銜恤理歸航頃向鄉園展燕好淥酒紅燈姝  
草草扶車夙接紀羣歡班荆均嘆舉聲老江梅如雪搖春  
風此時君仍向蜀中蜀人望君如望歲十年化俗今文翁  
君才操剗利如刃却以慈和助明敏千金揮去爲周貧無  
故加之聊一哂以此與君彌愛重攬衣無那驪歌送再看  
黍雨灑窮邊坐見霜皮成大用伊昔蜀相送客之東吳至  
今橋以萬里呼君行直自江流入海處一綫仰躡青雲孤  
丁卯橋頭酌樽酒子午關前定回首上馬從看驛路花開  
帆怕折長亭柳平生足跡半中原唯有岷峨未獲探靈根  
餘年筋骨猶強健便擬騎驢入劍門

爲吳松厓題畫像兼寄延嘯崖公子

未識吳生面先讀吳生詩爲有憐才魏公子逆旅命車迎  
載之公子趨庭向南國贈具俠腸人不識風塵一遇磊落  
人肝膽弗傾胡可得王柳庾蓮幕府多吳生後至非蹉跎  
同人舉酒笑相屬白日金尊發浩歌日昨以詩先寄我鮑  
俊庾新無不可雲垂海立萬弩驚草軟沙溫一花安由來  
公子嗜好與我同癢處搔之興頗頗文章交道皆有眞絕  
海方探珠一顆秋風公子到江濬手攜吳生畫像索我題  
此畫一何奇生之家翁手所爲筆蹟畱遺重圭璽風木回  
想增漣湍古人寫眞必佳士今之佳士佳兒是當時但愛  
蘭茁芽何意見之所詣乃至此今秋賓興桂香坵公子資  
君仰射策會當陸地逞霜蹄從此層霄騰健翮吾弗慮君

夢樓詩集

卷十八

十四

弗貴亦弗慮君弗傳相君神采絕塵滓仙才仙骨非徒然  
急須粗了人間報恩事與君玉晨碧落嘯傲凌青煙

登無餘閣望焦山

秋水秋天遠不分誰將螺髻壓鞞紋臨風幾度憑欄望疑  
是橫江一片雲

爲張禮堂明府題漁樂圖

南人習知漁釣趣落筆輒寫漁樂圖君官於南歲月久性  
情亦復親菰蘆繫君本是釣鼈客碧海長鯨掣無跡腰縮  
銀章江介來甘霖往往隨車得偶然託興向濠梁拂海珊  
瑚七尺長煙波宛欲載家室揮灑兼及諸兒郎柳外魚罾  
落日黃柳風吹入蓑衣涼心閒別有一天地意釣何曾在

鯉魴君不見君家西塞元真子暮歸朝出常如此樵青漁  
童兩侍見漁歌歌罷千山紫知君愛氏弗民擾策策堂堂  
任熙皞得水能迴澤國春多魚恰稱豐年兆乞身我已入  
山深便擬隨君江海陰斜風細雨扁舟路試向聞鷗沒處  
尋

暮春遊棲霞寺二首

世外招提路人間處土星山雷太古碧松是六朝青曲折  
攀危磴模糊讀舊銘日斜清梵遠古殿和風鈴

詩人稽往蹟廉守訪遺文

詩人陳古漁纂攝山志未成而  
及注穆門太守求其遺稿訂而

刻之挂席江春雨尋芳日暮雲名山雷逸軌我輩仰餘芬獨  
上高峯立高吟誰共聞

夢樓詩集

卷六

五

立夏後一日報香院觀張舸齋郭東谷諸子四月

初六日賞牡丹詩卷

春風江閣國香開難得諸賢載酒來今日綠陰空滿院把  
詩還與一徘徊

高旻寺放生池上納涼

六月炎歊動淡旬祇愁無處著吟身千重密樹垂雲幔一  
帶長流瀉水銀禪室每於塵世隔道心常與衆生親遊魚  
不動鳥飛去別有清涼解襲人

高旻寺新秋

老去從教世事忘遊踪多半寄僧房人間未報三秋信心  
地先生六月涼雲帶空江迴遠鷗樹垂接葉覆重廊苔陰

久坐無移影應是蓮花漏較長

夢樓詩集卷十八終

卷十八

十六

夢樓詩集卷十九

丹徒王文治禹卿

後楚遊草

己酉之冬再爲楚遊古今體詩八十六首

壽雪山房歌爲陳恆齋作

我聞泰山之巔雪最壽被谷彌崖千尺厚上古登封七十  
有二君玉輦之旁積如繡又曾親見點蒼十九峯風旋雲  
擁無春冬城中午炎日皜皜山上玉龍鱗甲蟠千重浮世  
隨時爲俛仰心逐炎涼共消長那知一片雪花千萬年金  
石雖堅莫能做陳子山房對雪晴晴溪晴樹照耀環軒櫺  
有花不向殘春落無月還教永夜明寓書示我圖中雪仿  
佛空山見飄瞥何當置我此圖歷落崎嶇中碎嚼梅花誦

夢樓詩集

卷十九

一

莊列讀畫敲詩此一時名山藏弄無人知只愁五百載以  
後有人撫卷遙相思人生安得如汝壽爲君且詠坡仙詩  
重陽後一日喜晴與張舸齋寶嚴諸子補登高於  
凌江閣時將爲楚遊

江閣西風上布袍華顛對客尚能豪眼看秋雨重陽過心  
惜黃花一夜勞楚水連天將賦別暮山銜日且登高鄉園  
令節殊難值爲我燈前盡濁醪

陳默齋扁舟黃葉圖

湛湛秋江楓樹林夕陽斜射半江陰江南黃葉扁舟路付  
與詩人側帽吟

蕪湖曉發孫司馬春浦以詩見寄用余舟泊樊口

舊韻行至樅陽次答十章

君詩靄靄曉雲空五載相思此甕逢  
談藝凝頌湖上酒開帆剛聽寺門鐘  
文章能使交情厚山水都消宦興濃  
報語江頭真吏隱春風歸棹願過從

中丞並冬至後二日秋帆制府招同羅慎齋山長張忍齋

某翁出學使登岳麓絕頂

海納萬水斯深深岳羅衆山斯森森  
衡山七十二峯相輔弼至此直注湘江陰  
湘江涵青山削綠百道煙霏散還束  
以山臨水此其巔以岳觀山此其麓  
制府夙鍾川岳靈言自華嵩移羽旄  
嵩形如臥華如立未抵大賢胸次雲濤橫  
我持漁竿過洞庭天風三日揚飛舲  
維舟正奏欸乃曲又

夢樓詩集

卷十九

二

邀我向名山行烏府先生返珂里

慎齋前輩

紫薇使者輜軒止

忍齋學使

臯比說經鏗若鐘玉尺量才澄若水  
是皆海內之大

儒高懷樸學同而殊平時雪棹何處訪  
忽爾星堂異地俱從來氣類相感發如  
谷應聲磁引鐵制府才名三十春朝野  
傾心拱卿月是日風和天宇朗半陂浸  
山蒼林莽捫蘿穿磴出幽岑豁然江流瀉  
胸平似掌歸塗夕陽松樹顛山中沉沉如  
小年人生獲此友朋山水樂不羨蓉城蓬  
島爲

飛仙

趙魯菴手一編圖

治生不求富飲酒不求醉  
用坡公語讀書不求名居官不求貴

安之已半生亦莫知所謂邇來更淡蕩隨處興可寄法流

入漸深道芽長已遂依然手一編松亭領清吹

張廿一蓉湖竹南小影詩

同年張蓉湖居湘江之上老屋十數椽前有某圃  
數畦俯則竹陰萬箇賦詩酌酒共閒爰取長吉詩

舍南有竹堪書字老去溪頭作釣翁之語爲圖蓉

湖擅詩名數十載晚入詞垣二子皆高擢科第頃

解組家居獨寄樂於漁釣之事其胸次可知矣

釣竿曾是拂珊瑚歸老湘江興不孤夜半竹陰涼似水月

中小艇出菰蒲

秋帆制府歸自浯溪見示與蓬心太守唱和詩次

韻二首一呈制府一贈蓬心

夢樓詩集

卷十九

三

清絕湘波綠可憐插空衡岳落帆前雲如吏部登峯日碑  
認平原勒頌年擁節獨兼山水福論文快得友朋緣歸來  
檢點奚囊句尙帶三吾萬頃煙

癡過長康不自憐老誇嬰鏢勝於前戲拈秃筆揮風雨笑  
把深卮度歲年人事幾多歸昨夢天涯相聚是前緣不逢

大府眞知已誰信官貧減爨煙

制府贈蓬心詩有但恐歸來斷爨煙之句其憐才如此

題家蓬心太守畫

老占愚溪日日閑愛他水署似深山一尊酌罷疎林晚興

寄幽亭古木間

爲恩湛菴廉使題蓬心瀟湘煙雨畫卷四首

剪取瀟湘十里青雲峯深處草間馨客中一夜高樓雨添  
得煙波入洞庭

老守官貧似馬曹胸中千尺暮山高南湘使者憐才甚手

酌紅螺倩染毫

蓬心嗜飲每在廉使署齋作畫廳使必酌酒勞之

官衙傳舍亦吾廬

廉使自顏其署齋曰亦吾廬嗚蓬心書之

梧竹蕭森映讀書

城外青山分一角開窗松影夕陽疎

黃鶴樓中月半斜滄江吹笛到長沙相逢畫與人俱老同

照湘流感鬢華

頃晤蓬心年七十矣

### 湘上聞歌觀家蓬心作畫

一串明珠一曲新一分煙雨十分春暮山青入湘波裏如

見當年鼓瑟人

### 夢樓詩集

#### 卷十九

四

同年家梅岑觀察以平定勾補苗人事略見示爲

### 紀以詩兼用志別二首

楚塞萬重山苗民忽逞頑弓刀乘險入笳鼓唱歌還探穴

全憑膽綏邊略見斑盡將慈惠意運用在兵間

卅載長安別相逢兩鬢星宦遊成底事辛苦飽曾經戎政

書生預仁聲過客聽張帆明日去惆悵岳雲青

### 六十自壽詩八首

六句彈指過雲煙興到初吟自壽篇身謝萬緣由早退眼

高千古爲通禪年惟隨分何須假福已逾涯不在全好煞

瀟湘對明月須知屈賈未華顛

時客長沙

少年孤露泣飄蓬豪氣生於徹骨窮匹馬燕京走塵土橫

槎滄海潮鴻濛屋書球人呼其乞字金樽綠若秀費公子之善歌

者憐才玉頰紅奇絕茲遊千古少至今回首大瀛東  
鳴梢聲動曉光初濡墨淋漓上 玉除何意鷓鴣近鐘鼓  
深慚鷓鴣點樵漁貧交特爲文章厚嬾性終嫌禮法疎自  
顧華簪原不稱東籬非是愛吾廬

親民有 旨選儒臣萬里遙行六詔春飯豆羹藜貧太守  
支風借月老詩人自甘宦海輸他巧偏是蠻鄉愛我真三  
載 皇恩歸五馬江湖從此乞閒身

應共西湖結契多五年常住水雲窩桃含宿雨蒸爲霧桂  
引香風釀作波故友餽金勞致問門生載酒數相過閒來  
自製銷魂曲笑遣紅兒月下歌

夢樓詩集

卷九

五

千尋太華穿雲出四扇潼關向日開同甲故人持節在一  
時名士裏書來唐陵剪草尋碑版杜曲看花舉酒杯乘興  
洮河還策馬長城萬里暮徘徊

多生知是打包僧腰雪無從叩上乘婚宦積塵憑病洗文  
詞結習與閑增身掣金網幾三匝眼障紅紗只一層一自  
導師傳海印洪鑪鎔盡玉壺冰謂海字本師

漠漠煙霞渺渺情端居何必說逃名頻年踪跡依山寺明  
日生涯付水程事到過來方悟險路當難處輒成平華胥  
大夢何時覺爲報晨鐘且莫驚

爲惠瑤圃中丞題可韻上人畫蘭竹

沉沉鎖院一條冰瘦竹幽蘭碧數層清況只今誰解寫祇

將斑管倚山僧

君山次韻

澄湖展天鑑，倒影浸春蛾。人外蕭蕭葉，雲中渺渺波。靈絃清韻杳，斑竹暮煙多。今夜重樓月，蒼寒意若何。

次韻奉酬秋帆同年岳陽樓玩月偶彈水仙操題壁見寄之作

旌節南行浩蕩春，登臨偏憶獨吟身。少時大瓠曾浮海，老去焦桐半作薪。樓聳三層先受月，湖開一鑑不沾塵。水仙彈罷青山暮，又見當年三醉人。

題石谷子仿倪高士十萬圖

并序

倪高士爲陶南村所作十萬圖，舊爲陳少保公收

夢樓詩集

卷十九

六

藏俟壯悔，曾作文記之。今已不可復得。茲石谷所擬十冊，淡宕清寒，不必專主雲林一派，而氣韻要是一家。眷屬古今人，雖不相及，然畫家宗旨以神相契。安在？高士風流，不照耀人間世也。此冊今歸望之親家，因念二百餘年中，失其真而得其似，而似亦何必遠？不如真，即使劍返珠還，當亦不過如是。經云：無所從來，亦無所去。天下事皆作如是觀也。

萬竿煙雨

山前萬竹淨湖外，一鷗飛日暮。空煙雨湘君歸，不歸

萬松壘翠

寒溪秋積雨，復嶺晝生陰。時聽松風響，不知松逕深。

萬峯雲起

初日猶未出，雲海先彌空。萬點青山影，濛濛曉色中。

萬卷書樓

沉沉清閣水，木對扶疎消。得蠻人拜中，藏萬卷書。

萬壑爭流

亂流爭赴壑，百道響春雷。誰把銀河影，懸將對面來。

萬頃滄波

山遠全消霧，波微未遘風。晴湖一萬頃，都在月明中。

萬點青蓮

浦蓮如海深，水藻將煙染。風裏綠千層，雨中紅萬點。

夢樓詩集

卷十九

七

萬樹秋聲

明河界殘星，耿耿夜將曙。萬樹盡秋聲，不識秋來處。

萬山飛雪

林色合成片，山空飄未殘。何人戴紅笠，清曉倚樓看。

萬橫香雪

晴昊插橫枝，繁葩簇香雪。夜深明月來，方知風味別。

蘇文忠天際烏雲帖真蹟，頃爲秋帆制府所獲。卷

尾有元虞伯生題詩四首，并跋語十二行。柯丹邱

張伯雨倪元鎮及明義與馬治俱合卷中詩及虞

詩並和之各得九首。

唯倪詩七首。

余亦繆次其韻兼呈

制府

險糜濃似烏雲積玉板光爭白雪明七百餘年數行字只  
今如見古人情

茗甌細酌團龍乳詩卷輕揮紫兔尖看到疎櫺纖月落不  
知清漏暗中添

歲月流波劇可驚人雕青鬢鶴雕翎眉山老去方皈佛手  
寫楞伽四卷經

聽雨高樓秋帆都門舊寓萬燭紅金尊日日故人同滄江此夕眠  
漁艇獨領黃州擘岸風

卅載牙旗不動塵華顛移鎮楚江春庾樓吟嘯諸僚佐可  
識看花第一人

廿年慣借錢塘住也向西湖夜放船明月不知詩老散畫

夢樓詩集

卷十九

八

欄猶送影娟娟

香花歲歲祀髯翁秦塞商墟遍采風

秋帆撫陝時得坡翁畫像每翁生日必懸

像祀之海內名士會者咸賦詩酬得驪珠三百顆

卷中坡書凡三百字零六字內缺一字仙靈

知尚在人中

鶯鶯燕燕古芳魂放鴿重將公案論

坡詩去年柳絮飛時節記得金籠放雪衣

竊謂正指此事而自註乃云仇人以放鴿爲太守壽殆故謬其說以避不知者誦病耶

今日秋風猶

有淚當時春夢已無痕

天華何必異空華著袂從將紺唾誇有信浮雲隨變滅未

妨游戲算河沙

爲望之親家題董文敏仿米敷文瀟湘奇境圖圖

爲秋帆尙書所藏觀跋語知是陳氏故物遂以遺

望之俾珠還劍合焉

世間萬事皆煙雲區區得失何容分法書名畫較適性隱  
現由來亦無定君家甲第高陽羨卜昌遠耀來清汴文章  
不假史書傳氣節堪令人爵賤評書別畫有家風牙籤表  
識青紗籠百年隨過亦隨散雪消那記天邊鴻敷文墨戲  
士夫筆異代香光入其室匠心靈幻吐奇峯一片空濛若  
無質風水相遇戒文章賢豪相遇道倍光君佐尙書鎮楚  
疆尙書倚君爲柱梁公餘品跋到書畫孰是淵源孰流派  
曲邁知音調始適癢逢織爪爬方使香光妙墨重連城上  
有君家處士名尙書割愛持相贈畫錄千秋佳話成

爲劉純齋觀察題柴門流水畫卷

夢樓詩集

卷十九

九

大羅天上老劉晨瓠落江湖酒一尊袖裏日添新賦草夢  
中常到古柴門暮煙收處鴉歸樹春雨來時水遠村唱罷  
微雲淮海曲蓬萊舊事暗銷魂

劉近好爲詞頗有周秦勝韻

鸚鵡洲邊月正高衰遲相遇不成豪潞河柳接青千里京  
口潮通綠一篙各有柴門臨曲水誰憐塵土上征袍郎官  
湖外春如海且對花枝引濁醪

爲惠瑤圃中丞題可韻上人墨蘭卷子四首

誰將澹墨染春痕瘦葉疎花倚石根一院古苔青不掃重  
簾著地月黃昏

春眠初覺鳥聲忙臨罷黃庭日漸長待與高僧參鼻觀絕  
無香處是真香

小池雨過看瀟豪更酌紅螺讀楚騷爲與幽蘭多夙契建  
牙猶得近湘皋

南陔春葢發華滋視膳萱庭日影遲手擘矮牋如水碧花  
前開補廣微詩時太夫人  
迎養在署

蓬心自永州寫浯溪圖見寄且題云夢樓昨在長

沙夢想浯溪之勝以未得一遊爲恨故寫此寄贈  
其殷勤之意可感也頃又讀其懷張吾山詩清遠

頽放卽次其韻爲謝二首

去年曾作洞庭遊望斷浯溪一片秋願我未能探石室聞  
君近已厭糟邱聞蓬心攝生節  
飲心甚喜之雲開岳氣如森玉春盡湘

波似潑油珍重圖成千里寄知余舍此百無求

夢樓詩集

卷九

十

數尺鵝溪作臥遊畫中榮落卽春秋忘情是處堪三宿歸  
老終思臥一邱頭白幾看花灼灼官清頻致黍油油頗聞  
辦就雙芒屨大藥深山好共求

蓮巢寫芭蕉蕙草見貽因爲題之

蕉陰欲拂拂雲千尺蕙氣能含露一苞曉起許多清澗意半  
歸葉底半花梢

以素心蕙草一枝贈靈巖山人而係以詩

世界浮雲過太空千秋臭味誰與同馨香盈袖欲持贈可  
憐知己無由逢蕙性含春未承露深深繡幕重重護有恨  
慚教芳草知無言似惜流年度靈巖山人屈宋才綉蘭綺  
歲登蘭臺身在百花頭上立慧從千劫夙根栽羣芳愛倚

花王座天送香風空際播此種舊埋蓬艾閒粉齋雲慳紅  
未破天街並馬少年遊彈指之間兩白頭相逢各出銷魂  
句花雨簾前對校讎拚花難忘當時事散花小試諸天技  
素心諧處口難言聊倩春煙寫其意憶昨同舟泛洞庭君  
山遙送長睂青春餘臨別此相贈脈脈湘波識我情

女孫玳梁寫蘭靈巖山人題絕句以贈次韻謝之  
兒童隣我楚江遊遠寄蘭心碧影流多謝詩人香草句微  
波欲拂洞庭秋

余以五月六日自楚旋里登舟後承惠瑤圖中丞  
以詩贈行途中次韻報謝二首

扁舟處處踐前塵湘水濱還漢水濱廬阜擬紮蓮社座庾  
夢樓詩集

卷十九

十一

樓欣謁嶽生人白蘇佳句皆通性莊老微言只外身再拜  
轅門歸去也又將三宿結來因

時訂秋後重來

罷民全倚大醫王

楚俗罷甚公與秋帆制府蒞洲方伯力爲整頓始有起色

輿誦聽來

編四方彭澤田園勞問訊杜陵酒債只尋常欲憑明月將  
心白却笑開雲似客忙一語報公公定喜好山日日送歸  
航

晚泊西塞山御事二首

漁舟一葉蕩虛空來去無憑只信風網得巨魚無賣處銀  
鱗潑刺敗筐中

變滅煙雲一霎時每愁好句過難追近來學得便宜法但  
看青山不作詩

彭澤二首

青山四面一江通，陶令幽居寄此中。  
東晉去今千載遠，故應不改北窗風。

雲隨飛鳥停還去，山共江濤湧復平。  
趣有小姑青一點，烟鬟十里向人傾。

江路

已辭故人去，未到舊時家。  
中間江路永渺渺，望天涯朝雨止林翠。  
夕陽平浪花濱江，有村落一犬吠籬笆。

皖城晤蔣六心仲承贈二絕句次韻答之

白鬚數載已飄然，君亦清霜漸上顛。  
眼底流波多少事，相逢猶當是華年。

夢樓詩集

卷十九

三

乍憶別離如破夢，飽經榮落似參禪。  
清江先掛蒲帆去，今聯欲投何處煙。

舟中晨起

日出尚含霧，江平似接雲。  
山明高始見，樹暗遠難分。  
徐熟舟人飯，全開草色薰。  
微風上帆腹，波韻喜初聞。

樅陽道中二首

絕好青山瞥眼過，叩諸舟子應偏訛。  
分明邂逅逢佳士，無處詢名可奈何。

江岸畱賓滯水程，友朋詩酒太多情。  
今朝獨對青山色，銀燭烏絲又隔生。

古詩二首

少小所遊盤老去意常警及乎重到來不過人間境平生  
所交親別後懷耿耿及乎再得逢不過肩相並須知無言  
中樂處唯自省舟中到眼山雲水相與永殊難舉似人容  
我徐徐頷

繫舟苦煩熱行舟喜蕭散炎涼一俄頃頓令人境換誰能  
冠蓋中懸擬解鞅鞞此樂當何如平地生羽翰但須退力  
勇豈畏世緣絆長揖御風人相期遊汗漫

板子磯

板子磯頭江水平荻花港畔炊煙輕斜陽已逐暮雲斂猶  
向蒲帆轉處明

繁昌舊縣

夢樓詩集

卷十九

三

經旬宿江渚過此愛清空山翠橫天外煙柳落鏡中綠陰  
深似雨白鳥遠翻風却望維舟處星星漁火紅

兩來風

江中來往皆可張帆俗謂之兩來風戲成一絕

逆憂順喜衆心同但願吾心恐不公吾欲歸時人欲往願  
天常送兩來風

靈澤夫人祠歌

張葦亭觀察重葺此祠同人相與賦詩余遂有此  
作

皖江東下舟如箭笑兀蟻磯早迎面夕陽仍是古江山朝  
曦乍起新宮殿侍女如雲刀槊持阿監護衛森威儀美人

明粧照江水有似深宮初嫁時當時戎馬紛驅馳力爭智  
取靡不爲降書終出紫髯客失路誰憐大耳兒垂老無端  
爲贅婿婚媾分明藏誦計夫人進退成兩難青史何能達  
微意布衣昆季殊常倫報讎白帝弗顧身東行孝直豈能  
阻北伐武侯且緩伸爲吳爲蜀空猜卜民到于今心始服  
萬里應招杜宇魂一聲難效蒼梧哭我來拜奠椒漿綠神  
絃競奏迎神曲笑殺菰蘆遣女戎轉惜樓桑無艷福三分  
籌策定隆中五將飛騰戰伐功蜀漢千秋數人物江天還  
有女英雄

蕪湖解纜有作

到處勾畱爲索書凌晨解纜似逃逋安能江水俱成墨題

夢樓詩集

卷十九

古

徧天公大畫圖

倚松圖歌爲汪梅村親家作

黃山之松一千尺濃陰變作浮雲色我欲攀之不可得西  
風吹衣暮蕭瑟汪子入世無世情夙世早結青霞盟頻年  
料理畢婚嫁逸軌欲追向子平前年作圖梅萬樹今年作  
圖松一隴凍葢三更明月寒驚濤十里秋聲暮勁松之下  
清風多膝前雙鶴依喬柯我與高門結姻婭附託深蔭如  
蔦蘿布韞青鞋我已辦白雲瑤圃君應羨直待長松化作  
蛟龍翔碧落相從遊汗漫

題高旻如鑑長老秋山宴坐圖三首

高僧不可遇何意在人間水隔白雲洞煙橫紅樹山風簷

俱寂寂猿鳥亦閑閑欲共談真諦蘿陰取次攀

高旻大鑑鞫道脈係於茲侍者吹毛悟官人引扇知忘言  
秋意遠入定水聲遲應是尋師者匹鞋欲破時

草藉脚踏坐風吹壞色衣但知山下路已被箭鋒機世外  
流清澗空中墮翠微欲畱師久住生怕鷺峯飛

潘蓮巢以今年五月十二日五十五生辰唐耀卿寫  
夏日卉草數種以贈余綴以詩卽以爲壽二首

五十看將過縈纏漫到今紅情憑筆幟白業與年深漠漠  
煙含隴紛紛翠點岑生機隨意取應不畏霜侵

心緣慈得戒

蓮巢與耀卿護生之心最切頃俱受菩薩戒

禪助畫通靈人有煙

震癘毫舍風露馨李蘇同一氣茅許各千齡花徑非子至

夢樓詩集

卷十九

五

休教啓玉局

擬元微之體二首

黃昏瞥見月鉤新丁字簾前共倚春要得嬌憨真態出泥  
他歡笑耐他嗔

小像沉檀八寶扇折枝新供定褰餅暗從花下牽郎袂軟  
語囁囁問道經

夢樓詩集卷十九終

夢樓詩集卷二十

丹徒王文治禹卿

小止觀齋二集

古今體詩九十九首

秦氏寄暢園

一水中央澹千章數里溪路依泉屈曲林覆屋陰森夕照  
漏金屑天風鳴玉琴幽廊難久立六月畏寒侵

惠泉

暫謝塵中事來酌花間泉泉水浸終古松風猶昔年天光  
映還碧月波搖更圓在山風味好一酌一回鮮

相馬圖

人間不見九方歎誰與驂騑一寫真惆悵黃金臺下路斜  
夢樓詩集 卷二十 一

陽芳草幾回春

題暉南田白菜寫生

下箸直千錢競羨侯鯖貴清齋踰十年方知此滋味

汪稼門太守誦先圖詩四首

汪氏自受姓之始至太守八十三世圖中所繪家  
乘最著者及本支凡十有四人太守歲時瞻禮以  
寄優聞愼見之意孝思可尚也

吳郡神君頌舒州宿學名家風潘騎省祖德庾蘭成明發  
真無忝詒謀況有聲披圖兼讀傳一一見平生

得姓周宗遠開基越國雄六州民徧德萬戶帝酬功自王  
殊韓信維藩倚竇融從來根本茂奕葉暢仁風

簪纓逮唐宋文物盛東南家乘摹圖六人寰不朽三風儀  
瞻嶽嶽雅量想潭潭愧乏銀鈎筆書碑照暮嵐  
知君從政後辛苦念松楸誓墓情空切歸田願未酬借恂  
民望切旌況 主恩優悃悃資移孝題詩抵慰畱

桃花菴

桃花一樹艷猩唇曾占名藍舊日春門閉不逢前度客溪  
漢欲誤再來人紅迷夕照還如夢綠葢天涯獨愴神我願  
大千花世界有花開處盡詮眞

題陸少室宛陵秋泛圖

青山畫裏見扁舟小謝當年載酒遊天上涼雲天下水一  
時併作宛陵秋

夢樓詩集

卷下

二

月渚道人松林宴坐圖

月渚道人愛朗吟閑來獨坐松花陰攀花弄月寄人世天  
上白雲知我心

閩門登舟將至松江作

烏雲起遠天綠樹垂平岸天公送薄陰炎威喜全散良由  
客路頻頗覺舟居慣解維日已晡張燈始能飯風來漁火  
聚雨過水螢亂衰年寡嗜好風性多懶慢渺渺望吳淞餘  
生付泡幻

寄懷朱春泉

才名卅載倦風塵苦憶西湖舊日春渡落心情誰慰藉批  
杷花下閉門人

寄懷雷雷峰

萬里出岷峨依然別緒多吳興纔咫尺秋雨阻煙波白髮  
看如此青萍繡不磨當年湖海氣垂老竟蹉跎

海棠

院閉花仍發樓高春正韶溫暾上清曉夢雨滴中宵萬點  
紅如海雙顰暈似潮漢宮憑借問宿酒幾時消

汪端揆徐佩易兩秀才淡柳聯吟圖卷子

春風憶年少愛友復耽詩忽漫驚遲暮前遊徒夢思靈和  
垂露日漢水感秋時展卷但相羨難迴鬢上絲

采芝圖

出門唯遺鶴司關直入天台山復由怪底衣衫染香霧白

夢樓詩集

卷二

三

雲洞裏采芝還

余歸自武昌荷塘以詩見贈次韻報之

髮似青山葉似船漢江東下水連天故人詩思爭春發南  
國烟花趁雨鮮句不推敲殊賈島書惟荒率似張顛等閑  
公案掀翻盡翠柏朱桃竝是禪

朱敬亭乘槎圖二首

杖是蒼龍珮是霞合丹憑採玉蓮花知君詩思寬於海故  
泛張騫萬里槎

我學空門並學仙朝看紅日暮蒼烟蓬萊一別方平老不  
及王喬正少年

養竹圖

種竹何如養竹難碧梢近已拂雲寒客中略恨居無竹好  
借先生畫卷看

次筮江上韻題王石谷畫四首

絲絲籠水復籠沙沙上枯根似古槎添得一痕新月色何  
人對此不思家

秋來微月淡如空井上高梧略受風爲愛清輝成久立渾  
忘衣濕露華中

秋樹秋山掩復重秋霜染處淡還濃秋風一霎穿林過送  
到前溪寺裏鐘

澹雲微雨不分明乍見林梢放晚晴一道溪流入幽竹風  
枝如向酒人傾

夢樓詩集

卷三

四

徐朗齋芙蓉湖上讀書堂

幾年花裏閉柴關千古高人尙友間昨向芙蓉湖上過讀  
書樓外好青山

贈許穆堂同年

少日同年友驅馳京洛塵今週花甲子俱作歸田人健是  
老來福酒添詩裏神蘇臺風景地往事得重論

東陽詩意圖詩四首

有序

吳中程子鏡亭取沈東陽賞逐四時移詩意爲圖

夫移者時也與時俱移者賞之之心也或謂程子

近道者也近道者寓意於物而不畱意於物畱意

者心與時俱移寓意者時移而心不移也雖然心

逐於物固失吾心矣心必不逐於物則心猶與物  
爲對也若準肇論物不遷義則四時未嘗或移所  
謂世間相常住者此也若準楞伽常無常義則心  
固無剎那之不移所謂不斷百思想者此也隱侯  
詞人未能知道而程子有取焉者毋亦早見及此

耶

春花萬樹映高樓李白當年載酒遊燭影花光明似晝不  
知皓月更當頭

縹緲峰頭白鳥迴五湖煙盡綠如醅平生自具扁舟興不  
待功成歸去來

半染輕黃半染丹霜華刻意作新寒楓林只在斜陽裏誰

夢樓詩集

卷二

五

到白雲深處看

灞橋雪後憶騎驢紅笠青衫儼畫圖今日同遊都散去春  
風還爲到平蕪

滄浪漁笛圖

漁釣從來應客星一聲短笛暮山青華筵儘有銷魂曲不  
及孤舟月下聽

海上移情圖

茫茫四大海日月浴其裏世界紛營營乃彼一漚耳成連  
似昭文鼓琴得妙理欲移伯牙情詭令觀海水人生狂目  
前所歷唯尺咫食不踰梁肉衣不踰羅綺行不踰舟車居  
不踰城市那知人跡外奇境自茲始羣鳥但呼號大魚或

騰倚萬里絕親知窮年失棲止此時心一悲身世兩忘矣  
試揮水仙調天然應宮徵我昔愛奇險仙槎隨冊使濤雪  
瀉當胸濯盡塵襟鄙快意唯獨賞欲言胡可擬垂老展此  
圖忽然見獵喜徑須鞭蒼龍與君跨赤鯉何去復何來無  
成亦無毀不必更攜琴自契琴中旨

寄懷汪八研薊司馬

塵務各喧卑萍踪紛聚散吳江望淮浦便似隔河漢憶昨  
相逢初楚天夏未半及乎重接席桂萼已辭榦官中時事  
更客裏流光換團團一輪月底照芳宴歡愜纔幾時冷  
浸楊柳岸驟雨不終朝堅冰會須泮善保濟時身待展狎  
天翰

夢樓詩集

卷二

六

題河東君小像二首

柔條輕拂晚風前可惜斜陽半壁天雲卷絳河金作屋春  
回紅豆玉爲田澗衣投刺才名噪淡墨傳神畫格鮮海蜃  
光芒隨變滅波旬劫裏散花禪

往事沈思話太長夜烏辭樹燕辭梁夢回不覺蓬萊淺風  
過偏遺粉黛香枝卜無端櫻貫索蒙鈔有意匹清涼秋波  
閱盡滄桑局成佛生天總斷腸

馮巽泉太守秋釭補讀圖

曰余初受書志在破萬卷貧無買書錢見書空慕羨況爲  
制舉業揣摩逐時彥未窺天地廣那識古今變泊乎稍有  
識又遭婚宦纏若非早歸田此事竟中斷夫子不世妾對

書日如電文名綺歲著勳績盛年建爾來守吳淞頌聲滿  
江句今秋招我遊竹下展文譙談藝窮源流衡才別真贋  
快如瘡獲搔協比拍同按頃復示我圖挑燈欲達旦似嫌  
少未勤倍覺老忘倦問學何終窮斯意洵美善抑余有管  
窺冒昧欲投獻古人觀大義卓犖無羈絆今人泥考證瑣  
屑肆爭辨古人德與功青史何燠爛今人所成就猥鄙良  
可歎說文九千言欲了讀書案苦伸許鄭說寧與周孔叛  
入主而出奴掛一或廢萬君本磊落人肯被蟲魚眩君本  
千古人肯爲時譽勸仕學兩俱優文行同立傳濬淪在性  
靈章句何足辦試看秋窗燈光苾射銀漢

爲盛黃洲同年題畫卽以奉贈

夢樓詩集

卷三

七

與君同舉京兆試與君同作滇南守與君同作林下人今  
日相逢同白首相逢邀我酌一杯愧我止酒難追陪昨宵  
偶話卅年事不覺漏鼓三通催羨君夙抱神仙質每對青  
霞嚙紅日未能萬里訪名師猶自蹉跎卷帙我今已作  
有髮僧青鞵布鞵腰行騰輿來吟向山水窟雲煙信足穿  
千層求仙學佛皆遊戲自性光明燭天地不信但觀畫裏  
身非我非人絕思議且將素琴一再彈曲終明月同君看

蕉陰小立圖

紅欄曲曲轉長廊團扇輕衫愛晚涼理罷朝來新上曲美  
人蕉下月昏黃

奇麗川方伯僧服像二首

萬里秋光入性靈  
臣心如冰署如冰  
只須了却閑公事  
便是人間一個僧

位致三公原外物  
胸羅萬卷亦浮埃  
蒲團竹杖俱拋却  
面目憑君認本來

獨立蒼茫不計年  
隨他喚佛喚神仙  
華嚴會上曾相識  
恐是威音古劫前

瞿花農秋山訪友圖

偶然有所憶  
率爾便攜琴  
雲作魚鱗色  
風傳鴈過音  
故人在何許  
秋意滿空林  
知隔前溪渡  
蒼蒼不可尋

蓉城二首

紅雲萬朵擁蓉城  
仙路如明又未明  
略記麻姑臨別語  
來

夢樓詩集

卷二

八

朝花膳待方平

月袂霞裾不惹塵  
偏教風雨詫靈神  
多情宋玉空能賦  
甘作陽臺局外身

樂圃雪霽晨起

道人清不寐  
雪壓高松枝  
全消夜窗暗  
尤與朝暉宜  
但覺心明淨  
都平路險巇  
預期新月上  
扶杖看冰池

效義山體調汪心農時新納姬人碧珠

生怕羅疎逼細腰  
似嫌釵重壓元髻  
慣居吳苑粧偏淡  
初嫁周郎齒正韶  
柳絮一行添夜詠  
簾波千疊護春嬌  
侵晨不敢求鶯友  
楚岫雲深夢未消

題汪梅村訪道圖四首

一 網苳鞋九節筇凌虛踏破翠千峰松蟠危磴多巢鶴雲  
出寒潭有蟄龍大藥密將金鼎貯真文誰啓紫泥封風前  
驀地聞鸞嘯知近瑤臺第幾重

證道元知有夙根也須親得導師論空山草木衣糧儉太  
古真靈位業尊萬劫風輪銷玉粒三更月魄耀金盆至人  
默坐華陽洞待汝淡宵獨叩門

前年撥火宿僧房談到元踪話倍長心竅乍生雲液潤鼻  
端時覺藥苗香桃尋元觀成前度鳳識丹山是故鄉兩卷  
黃庭分內外活訛重與細商量

向子平生有舊期名山肯待鬢成絲試參兔走烏飛路已  
過男婚女嫁時垂老還聞竊桃實少年屢夢采華芝人間  
夢樓詩集

卷三

九

小住三千劫歸讎蓬萊未是遲

題張此亭僧服像

少年飲酒興偏豪中歲論詩格更高近日風情殊未減却  
來林下着僧袍

瓶梅次如長老韻

朝來折取澗之濱插向軍持意態新仙帳初醒還似夢僧  
房溪閉已知春偶同秦篆篆香靄不屑唐花作比鄰試倩  
燈光照疎影一枝瘦硬更通神

題汪詣成孫壻江臯秋望圖

千古秋光判與君楚騷情性杜陵文請看楓葉扁舟外萬  
里青天無片雲

寄懷陳望之四首時年屆六旬卽以爲壽

海內清華盡屬公薦紳地望許誰同傳家氣節兼騷雅壽  
世文章更事功漢水春波吟對酒庾樓明月嘯臨風却將  
三楚輿人誦吹入仙家玉笛中

鄉貢同登上計車一枝淡媿倚蒹葭多情叔寶人如璧能  
賦興公句是霞東粵蠻烟傳鴈信西湖官舍傍漁家年來  
身作諸侯長尙有高懷寄落花

法書名畫等雲煙却是才人賞會偏讀畫不妨忘寢食臨  
書眞欲擬神仙倪家清秘夷官拜米氏脩閑虎子傳最羨  
郎君掌天祿石經講罷日移磚

翰墨多生有夙因三年兩住楚江春達官獨領貧中味故

夢樓詩集

卷二

十

友相看老更眞我已辭家遊汗漫公能爲國葆精神只今  
六十頭仍黑他日同爲駕鶴人

焦山晨起同雷雷峰二首

三更看梅影一宿聽松濤對岸雩峰秀開門海日高晨興  
運盃櫛宴坐謝塵躡爲約故人住將船買濁醪

別離今幾度每度鬢添銀老覺年光速歡貪笑語頻人同  
吳地月海接蜀江春後會知何日心期且細論

高旻如長老退院戲贈二絕

堂頭一擔重千斤卸却彌於雲水親紅日滿林猶入定人  
間安得此閒身

馬蹄日踏軟紅塵鳥語空山又一春那得不教靈徹笑古

來林下幾歸人

唐巨峰招同郭地山張寶巖朱一峰黃侶琨衆香  
院賞牡丹

今春風雨太匆匆九十繁華一霎空絕艷忽將衰鬢照濃  
雲淡得戒香融名山兩度邀浮白

前年寶巖張子亦有此會

塵海三生

感夢紅向晚難禁銀燭下簫聲遙送畫欄東

聞鮑雅堂將解官歸里詩以懷之次其見寄原韻

窮達各有適升沈合由天古賢已皆爾今吾何不然江南

春水綠好放鴨觜船聞君思吳鱸昨歲已辭燕又聞薦雄

者愛君長楊篇領髮颯已素心鐵柔如綿應同槁木槁豈

作懸旌懸千秋齊名事期許卅載前

事在丁香館中集

至今五湖

夢樓詩集

卷二

七

身尚寄三香邊男兒爲微祿金帶腰可憐樵漁待君久倩  
我一語傳

爲歸映黎方伯題畫十二首

讀書

人生不易得無過讀書緣暢好淡沈夜還當羅綺年草痕  
分縹帙花影上紅牋今日勲猷爛逾知書味偏

看劍

男兒有至性豪氣肯消磨愛此一條雪淬之千頃波倚天  
雄顧盼對月靜摩挲霜刃須藏匣恩讐世漫多

放眼

昔我浮滄海東觀曉日昇霞飛紅萬道珠浸碧千層琴子

騎仙鯉莊生狎大鵬知君心捧日坐看海濤澄

濯足

會聞古志士濯足萬里流自度滄浪曲閒招漁父遊結跏  
承細草踏浪弄浮漚濯罷躡芑屨雲峰一舉頭

騎牛

牛背斜陽外風傳叩角音繞陸溪活活隔岸柳陰陰却  
扶犁手仍懷問喘心何當春社飲爛醉臥桃林

立馬

芳郊鋪淺綠金勒踏淡紅馬奪桃花色人迎楊柳風騰驤  
懷遠志淡穩奏膚公欲識長嘶意孫陽一顧中

輟耕

夢樓詩集

卷二

三

夙抱田園志恩淡未忍歸寫圖成綠野釋耒看清暉麥浪  
風前細秧鍼雨後肥前溪一行鷺故故向人飛

罷釣

蓼繁遮蟹斲柳折露漁莊放棹衝晨霧收綸帶夕陽雲隨  
飛鳥過江逐遠天長好待新蟾土靑囊臥晚涼

灌花

之子多情甚澆花立課勤緱修晨汲井塢暖午蒸雲欲助  
生成力閑觀天地文却教衣袖上暗裏染清芬

醉月

對月兩嬋娟持杯中聖賢古時同此月今夕定何年縹緲  
霓裳曲悠揚白紵篇舞衣輕似霧飛下鬱蕭天

折梅

欲折不忍折徘徊東澗東花真有仙骨天爲借春風衣上  
餘英墮鬢邊香霧濛不因逢絕代清賞與誰同

友竹

友盡天下士重來對此君千尋含綠雨一榻卧涼雲山翠  
遠猶見溪聲靜更聞却看籬菊綻三益此平分

汪心農今春又納姬人再贈二首

捲起珠簾上玉鈎盈盈三五未平頭謾矜花貌無人似夫  
婿風標賽莫愁

姊妹班行各占春些些猜忌倍宜人阿郎近日添新課兩  
副生綃畫玉眞

夢樓詩集

卷三

三

余舊有向梁山舟前輩索書長句荷其三次疊韻  
見寄因第三首有噍點蓮池大師念佛之語余不  
欲與諍然亦不敢面從故未之答此事十餘年矣  
頃心農索山舟書山舟錄前三詩與之心農將刻  
諸石而屬余錄并原韻以志一時酬和之盛余旣  
錄以報命仍三用前韻成篇謝心農將以并寄山  
舟也

汪君新安之著姓越國遺風後逾勁平生篤行照鄉閭如  
穀療飢藥療病閑來還結翰墨緣能書善鑒由天性時論  
三梁與一王老拙殊慙鋒勢橫維君嗜痴夙有癖千里馳  
書叩門請

心農十載前曾兩次  
專人至余家索書

去年吳門傾蓋逢疇昔相

思一宵屏汪汪宏度似波澄朗朗高懷如玉瑩竭來礪石  
乞梁書欲使人閒尹邢並昔年酬和未終篇爲保禪門諍  
鬪靖誰知盛事固有待今日因君發詩興詩成回首却惆  
然十度璇璣週斗柄

題潘榕臯農部歸帆圖

歸帆直壓浪花高歸客長吟興倍豪今日相尋書畫舫不  
知人世有風濤

卽席次九二娛韻二首

誤讀黃庭幾許經謫居猶傍萬花冥芳卿姊妹多生契謾  
擬人間尹與邢

不是瑤宮第一仙爭消才子蕊珠篇兩窗銀漏華燈燼一

夢樓詩集

卷三

七

夕溫柔抵少年

家西莊光祿閉戶著書圖

讀書至等身似爲獨善計著書至等身澤乃及後世著書  
老年事隻字析疑義古今所聚訟爬剔去蕪蘄我旣爲其  
難眾皆獲其易如此利濟心不在據高位先生曠代才弱  
冠掇上第奏賦動龍顏超擢至卿貳一朝解華纓欣然  
外人事非耽山水綠非羨蓴鱸味園中屐亦稀松下戶常  
閉平生所溪造不忍就棄置警彼五侯鯖欲以供同嗜尙  
書雖一經四代典章備春秋不復作羣史皆苗裔落落二  
千年似顯還復翳先生抱虛衷濟之以精銳如刃投其縈  
如鏡刮其瞽遂令後來者如日中天繫偉哉此功勳千禩

宐廟祭豈惟鄭王俱直堪卜左繼賤子早休官所事唯兒  
戲脚下空萬里眼中無一字出處兩何成對公發淡塊

孫香泉久居畢制軍幕府制軍入覲始獲歸省高  
堂家蓬心爲作鄂渚開帆圖以志喜余題二絕

楚水東流歸思淡吳天春色望沈沈春帆開處春風好始  
遂春暉一寸心

雨過紅槽綻曲欄堂前欣得侍晨餐尙書後命徵求急預  
惜秋風放棹難

張警堂觀察汪研薊司馬暨門人吳竹堂小集余  
樂圃寓齋翌日警堂用余賞牡丹詩韻見贈次韻

奉酬

夢樓詩集

卷三

五

荒園閑臥綠忽忽枕上鷓聲曉夢空一夕賢豪花下聚頻  
年感槩酒邊融交經耐久人偏淡曲到牽情燭更紅不厭  
太常清供奉花驄還過小池東

寧鞠谿宰婁縣有善政婁之人士甚愛戴之頃以  
迴遊調任涇縣有畱別父老詩六首一時屬而和  
者數百人余時客吳門亦仿其韻贈行且以志廉  
吏之可爲也

昔賢有宏願憂樂與民同但得爲循吏何須致上公君將  
儒者術小試眾人中莫怪謳歌遍窮黎易感通

十載泣江南民情久愈諳赤丸心已革黃犢佩知慙竹外  
童迎馬桑陰婦飼蠶欲知恩沛處淞水暮天涵

躬行移俗易文教服人多孝秀邀宏獎顓愚亦濯磨正欣  
成雀頌忽漫唱驪歌父老空攀戀神君意若何

君年未及冠落筆已軒塵淳暫理劍雲濤旋化鯤

君爲余王

午同考時所薦  
士成子始獲雋

偶然宰百里便爾福千村亦有平生學挑

燈擬其論

前年官潤浦送我楚天遊隔歲婁江上招余看早秋菰蘆  
張翰宅橋袖謝公樓此後懷人處迢迢天際舟

瀕行仍折柬蔬菓滌盤陳道故知君厚談詩憐我真何時  
同夜雨此去又陽春老眼重磨拭看君夙抱伸

題兕觥歸趙事蹟後

有序

前明趙文毅受廷杖許文穆以兕觥贈之流轉至

夢樓詩集

卷十

六

曲阜顏氏五世孫王槐求而得之詳見翁覃溪文

集竊謂此觥流轉顏氏趙氏知之不得不求趙氏  
求之顏氏亦不得不歸然非癖於嗜古如覃溪者

決未能委曲爲之作合非老於文律如覃溪者亦  
未必能爲之記載歌詠而期其必傳意千古忠魂

實式憑之故有此奇遇耶

先澤傳來舊芳型正在今黃流君子壽碧血直臣心遲久  
光逾顯徵求意獨淡不緣翁太史此寶恐浮沈

芷塘雷峰訪余於樂圃寓齋余曾出家伶奏技頃

芷塘以詩見寄次韻答之二首

白頭自訂管弦聲秘譜真疑竊玉清君惜知詩未知樂但

誇五七字長城

莫漫燒丹擬上仙  
仙家歲月箭離弦  
且耽一曲一盃酒  
飼鶴何須二頃田

再用前韻戲東芷塘二首

偷桃竊藥有風聲  
笑語微聞墮太清  
自是才人饒結習  
芙蓉

蓉城又海棠城

楊維禎有夢遊海棠城記

箇中誰解挾飛仙  
佩辨纖腰指辨弦  
君有璧人聲價在  
莫將抵鵲誤藍田

燕復巢爲松濤汪文作

燕飛帶得春泥香  
來覓杜陵舊草堂  
口瘡羽瘁巢甫就  
兒童毀棄難周防  
松濤老人老更事  
理喻羣兒使生媿  
燕飛

夢樓詩集

卷二

七

却在別樹枝口不能言  
領其意天生萬類類各殊  
以心相通心不渝  
自古忘機感鷗鷺  
須知孚志及豚魚  
風晴天暖燕生喜  
仍向旁軒營故壘  
積土黏花磐石安  
歲歲梁間長孫子  
世間恩愛性最深  
寶護眷屬千黃金  
何人育子情弗快  
何人毀室悲能禁  
但教觀物復觀我  
日赤刀几誠何心

夢樓詩集卷二十終



